

OFISI YA RAIS – TAMISEMI

SHULE YA SEKONDARI MIONO

SIMU NAMBA: +255 784 369 381

Website: www.miono.ac.tz

E-Mail: info@miono.ac.tz



SHULE YA SEKONDARI MIONO

S. L. P 26 - CHALINZE

24.04.2024

Kumb. Na: MSS/SR/Vol.VII/011

Namba za Simu:

Mkuu wa Shule +255 784 369 381

Makamu Mkuu wa Shule +255 712 665 227

Matron 0766218089

Patron 0655016620

Mzazi/Mlezi wa Mwanafunzi

.....

S.L.P

.....

Yah: MAELEKEZO YA KUJIUNGA NA KIDATO CHA TANO KATIKA SHULE YA SEKONDARI MIONO, HALMASHAURI YA CHALINZE, MKOA PWANI, MWAKA 2024/2025

1. Nafurahi kukutaarifu kuwa mwanao amechaguliwa kujiunga na Kidato cha Tano katika Shule hii mwaka 2024/2025 na atasoma tahasusi ya

Shule ya Sekondari MIONO ipo katika kijiji cha Kikaro, Kata ya **MIONO**, Tarafa ya Miono. Miono ipo jirani na MTO WAMI, ukitokea barabara kuu ya **CHALINZE-SEGERA**, shuka kituo cha **MANDERA** (baaada ya kuvuka daraja la MTO WAMI) ambapo ni njia panda ya kuelekea MIONO, utakwenda mwendo wa kilometa 20 kutokea MANDERA hadi kufika shuleni. Aidha ukitokea **SEGERA** shuka kituo cha basi cha MANDERA kabla ya WAMI. Kwa wanaotokea Dar es salaam nenda kituo cha **mabasi cha Mbezi**, panda mabasi ya DAR-MIONO au DAR-SAADANI ambayo yanafika MIONO. Nauli ni shilingi elfu Nane (10,000/=) kutokea Mbezi, na shilingi elfu tano kutokea Chalinze. Nauli ya boda boda kutoka MIONO hadi shuleni (kitongoji cha kwa-mwala) ni shs.3, 000/=

Muhula wa masomo unaaza tarehe 1.7.2024, Hivyo mwanafunzi anatakiwa kuripoti shuleni tarehe akiwa na fomu zote zilizoambatanishwa katika maelekezo ya kujiunga,

Fomu ziwe zimejazwa kikamilifu na wahusika na kuzikabidhi shuleni wakati wa usajili. Mwisho wa kuripoti ni tarehe

2.0 SARE YA SHULE

2.1 WAVULANA

- I. Suruali 2 za heshima rangi ya dark blue zenye marinda mawili (upana wa chini usipungue inches (06) au sentimeta 15
- II. Shati 2 za heshima rangi nyeupe **mikono mirefu**,
- III. Viatu vya ngozi rangi nyeusi **SIO BUTI** vya kamba na visiwe na kisigino kirefu.
- IV. Nguo za kushindia (shamba dress), Suruali mbili rangi ya light blue na fulana (T-shirt) mbili rangi ya dark blue (bluu iliyokolea), **zisiwe na collar wala maandishi.**
- V. Soksi rangi nyeusi jozi 2,
- VI. Mkanda mweusi wa kawaida usio na urembo wowote.
- VII. Tai ndefu rangi ya dark blue inayofanana na rangi ya suruali
- VIII. T-shirt ya rangi ya kijivu (grey) yenye nembo ya shule inapatikana katika maduka yaliyopo jirani na shule (Miono) kwa gharama ya shilingi elfu kumi na tatu tu.
- IX. Shuka mbili rangi ya bluu bahari (*light blue*) na mto wenye foronya ya bluu bahari.
- X. Sweta yenye rangi ya dark blue inayofanana na rangi ya suruali.
- Xi. Track suit rangi ya kijivu isiwe na picha wala maandishi yoyote, iwe na mstari mweupe pembeni na **isiwe na kofia**, raba na nguo za michezo (**zingatia:** nguo za michezo zimepangwa kwa tahasusi kama ifuatavyo, **PCM** jezi ya simba yenye rangi ya Blue, **PCB** jezi ya yanga yenye rangi nyeusi, **CBG Nyeupe** kama jezi ya Azam Fc.
- XII. Chandarua kwaajili ya kujikinga na mbu cha ukubwa wa 3.5x6x6

2.2 WASICHANA:

- I. Sketi 2 za heshima rangi ya dark blue ndefu hadi chini inayofika kwenye fundo za mguu zenye marinda (rinda box mbele na nyuma na marinda mawili upande wa kulia na kushoto). Kitambaa kiwe kizito.
- II. Sketi moja ya heshima rangi ya bluu bahari (light blue) ndefu hadi chini kwaajili ya kuvaa siku ya kwenda Msikitini au Kanisani.
- III. Shati 2 za heshima rangi nyeupe **mikono mirefu**, Kwa Waislamu blauzi 2 za heshima rangi nyeupe, **mikono mirefu/ kanzu fupi (short kanzu) na hijab ndefu inayofunika mikono**,
- IV. Viatu vya ngozi rangi nyeusi **SIO BUTI** vyenye kamba na visiwe na kisigino kirefu,
- V. Soksi ndefu rangi nyeupe.
- VI. Tai ya rangi ya dark blue (**neck-tie**) inayofanana na rangi ya sketi.
- VII. Kanga/kitenge doti 2
- VIII. T-shirt ya rangi ya kijivu (grey) yenye nembo ya shule inapatikana maeneo ya jirani na shule kwa gharama ya shilingi elfu kumi na tatu tu.
- IX. Magauni mawili ya heshima ya kushindia (shamba dress) rangi ya pinki na light blue yawe ya marinda ya pasi, mikono mirefu **kitambaa kizito**.
- X. T-shirt mbili za kushindia rangi ya dark blue (bluu inayofanana na rangi ya suruali ya shule), **zisiwe na collar wala maandishi**.
- XI. Shuka mbili rangi ya pink na mto wenye foronya ya pink.
- XII. Sweta rangi ya dark blue (blue iliyokolea).
- XIII. Track suit rangi ya kijivu isiwe na picha wala maandishi yoyote, iwe na mstari mweupe pembeni na isiwe na kofia, raba na nguo za michezo (**zingatia**: nguo za michezo zimepangwa kwa tahasusi kama ifuatavyo, **PCM** jezi ya simba yenye rangi ya Bluu, **PCB** jezi ya yanga yenye rangi nyeusi, **CBG Nyeupe** kama jezi ya Azam Fc.
- XIV. Chandarua kwaajili ya kujikinga na mbu cha ukubwa wa 3.5x6x6.

3. MICHANGO MBALIMBALI

Na	Aina ya Mchango	Kiasi
1.	Mchango wa Uendeshaji wa Shule	65,000/=
3.	Tahadhari	5,000/=
4.	Nembo	5,000/=
5.	Kitambulisho cha Shule	5,000/=
	Jumla	80,000/=

Fedha hizo zilipwe kwenye Akaunti ya shule Namba 21110001592 yenye jina la MIONO SECONDARY SCHOOL FUND katika Benki ya NMB (tafadhali andika jina la Mwanafunzi kwenye pay in slip ya Benki)

NB: kila mwanafunzi aje na godoro lenye ukubwa wa futi 2.5 x 6 "GODORO LIWE JIPYA KUEPUKA KUNGUNI"

**1.1 Mahitaji mengine muhimu ambayo mwanafunzi anapaswa kuja nayo shuleni:-
Mahitaji muhimu ambayo mwanafunzi anapaswa kuleta shuleni ni:-**

- (i) Madaftari aina ya "counter book quire 3" idadi 10 au zaidi
- (ii) Ream mbili (02) ya karatasi size A4 (kwa mwaka)
- (iii) Vitabu vya masomo ya tahasusi husika (orodha ya vitabu imeambatanishwa)
- (iv) Dissecting kit na lab coat kwa mwanafunzi wa somo la Biolojia
- (v) Non- programmable Scientific calculator siyo Programmable calculator
- (vi) Vyombo vya chakula (sahani, bakuli, kijiko na kikombe) **SIYO VYA PLASTIKI.**
- (vii) Ndoo mbili ndogo zenye mifuniko kwa matumizi binafsi ya mwanafunzi.
- (viii) Mwanafunzi wa Tahasusi ya **CBG** alete fagio laini "soft broom" brashi ya kusugua choo na jembe lenye mpini.
-Wa Tahasusi ya **PCB** alete kwanja, fagio gumu "hardbroom" na fagio la chelewa.
-Wa Tahasusi ya **PCM** alete rubber squizer, kwanja na Rake
- (ix) Picha aina ya "passport size" 2 za mwanafunzi na picha nne (4) za Wazazi na ndugu wa karibu wa mwanafunzi wanaoweza kumtembelea mwanafunzi shuleni pamoja na namba zao za simu zingatia waliotajwa ndio watakao rufusiwa kumtembelea mwanafunzi au kumwakilisha mzazi katika wito wowote shuleni.
- (x) Unaporipoti shuleni, uje na taarifa ya matokeo ya kidato cha nne **(RESULT SLIP)**
- (xi) Kila mwanafunzi aje na torchi kwaajili ya matumizi binafsi.

4. SHERIA NA KANUNI MUHIMU ZA SHULE

Shule inaendeshwa kwa mujibu wa Sheria ya Elimu Na. 25 ya mwaka 1978 na kama ilivyo rekebishwa kwa Sheria Na. 10 ya mwaka 1995. Aidha, inazingatia miongozo yote inayotolewa na Wizara ya Elimu, Sayansi na Teknolojia yenye dhamana ya elimu na Ofisi ya Rais – TAMISEMI yenye jukumu la usimamizi na uendeshaji wa elimu nchini. Unatakiwa kuzingatia mambo ya msingi yafuatayo ambayo yanafafanuliwa kwa maandishi na utapewa nakala yake mara baada ya kuripoti shuleni. Mambo hayo ni pamoja na;

4.1 MAKOSA YATAKAYOSABABISHA MWANAFUNZI KUFUKUZWA SHULE BILA ONYO LA AWALI.

- (i) Wizi wa aina yoyote.
- (ii) Kutohudhuria masomo kwa zaidi ya siku 90 bila taarifa / utoro
- (iii) Kutoingia darasani hata kama upo shuleni.
- (iv) Kugoma na kuhamasisha mgomo
- (v) Kutoa lugha chafu kwa wanafunzi wenzake, walimu/ walezi na jamii kwa ujumla
- (vi) Kupigana mwanafunzi kwa mwanafunzi, kumpiga mwalimu au mtu yeyeote yule.
- (vii) Hairuhusiwi kufuga ndevu, Wanafunzi wote wanatakiwa kuwa na nywele fupi wakati wote wawapo shuleni.
- (viii) Ulevi au unywaji wa pombe na matumizi ya dawa ya kulevywa.
- (ix) Uvutaji wa sigara.
- (x) Uasherati, uzinzi, uhusiano wa ki-mapenzi, kuoa au kuolewa
- (xi) Kupata ujauzito au kutoa mimba
- (xii) Kushiriki matendo ya uhalifu, siasa na matendo yoyote yale yanayovunja sheria za nchi;
- (xiii) Kusababisha mimba au kumpa mimba msichana.
- (xiv) Kutembelea majumba ya starehe na nyumba za kulala wageni.
- (xv) **Kumiliki, kutumia au kukutwa na simu ya mkononi katika mazingira ya shule.**
- (xvi) Kudharau wimbo na bendera ya Taifa.
- (xvii) Hairuhusiwi kulala nje ya shule bila ruhusa/kibali cha Mkuu wa Shule.
- (xviii) Kufanya jaribio lolote la kujiua, au kutishia kujiua kama kunywa sumu n.k
- (xix) Uharibifu wa mali ya umma kwa makusudi.

MUHIMU:

- ❖ **Mwanafunzi hapaswi kuja na simu shuleni kwa namna yoyote ile, na hakuna mtumishi anayeruhusiwa kutunza simu ya mwanafunzi;**
- ❖ **Mwanafunzi awapo shuleni atatakiwa kulala kwenye Bweni alilopangiwa na kitanda alichopangiwa. Ni marufuku mwanafunzi kulala kitanda kimoja na mwenzake au kuishi kwenye Bweni ambalo hakupangiwa. Kitanda kimoja kitatumika na mwanafunzi mmoja tu;**
- ❖ **Mwanafunzi ataruhusiwa kurudi nyumbani kwa ruhusa na kibali maalum toka kwa Mkuu wa Shule. (Msiba au Ugonjwa).**
- ❖ **MWANAFUNZI ANAPORUDI SHULENI KUTOKA LIKIZO NI LAZIMA AFIKE SHULENI SIKU/TAREHE YA KUFUNGUA SHULE, KINYUME CHA HAPO MZAZI ATALAZIMIKA KUMLETA SHULENI, MWANAFUNZI PEKE YAKE HATAPOKELEWA.**
- ❖ **Mzazi/Mlezi unashauriwa kumfungulia mwanao akaunti ya benki kwaajili ya kumtumia fedha za matumizi. MWANAFUNZI HARUHUSIWI KUMILIKI LAINI YA SIMU KATIKA MAZINGIRA YA SHULE.**

5. UTHIBITISHO WA KUKUBALI NAFASI YA KUINGIA KIDATO CHA TANO SHULE YA
SEKONDARI MIONO

SEHEMU A (ijazwe na mwanafunzi)

Mimi (jina kamili).....

Nilizaliwa tarehe..... mwezi..... mwaka

Mahali nilipozaliwa kijiji/Mtaa..... Wilaya.....

Mkoa..... Dini.....

Nakubali nafasi niliyopewa ya kuingia kidato cha TANO shule ya sekondari MIONO. Nathibitisha kuwa nitatii na kuzifuata sheria na kanuni za shule ambazo mwanafunzi analazimika kutekeleza nakutumiza. Najua na kuamini kwamb migomo na vurugu siyo njia sahihi ya kutatua matatizo katika jamii, hivyo naahidi kutoshiriki katika migomo wala vurugu zozote bali nitakuwa mstari wa mbele kutoa taarifa kwa uongozi wa shule ili uweze kutatua au kutafutia utatuzi wa changamoto zozote zitakazo jitokeza shuleni.

Saini..... tarehe.....

SEHEMU B (Ijazwe na mzazi/mlezi)

Mimi (jina kamili)

Wa kijiji cha/mtaa wa.....Wilaya ya.....Mkoa wa.....

Kazi yangu ni..... Dini.....

Nambari ya simu.....

Nafurahi kupokea nafasi aliyopata mtoto wangu, nitatekeleza na kutimiza mahitaji yote ya mtoto wangu kulingana na maagizo ya shule. Pia nitahakikisha mtoto anaenda shule kwa muda uliopangwa na nitakuwa tayari wakati wowote kusaidiana na shule kumlea mtoto huyu kinidhamu na kimaadili.

Saini ya mzazi/mlezi.....

Jina la mtendaji wa kijiji/Kata..... Saini.....

Mwisho, Karibu sana Shule ya Sekondari MIONO ili ufaidike kwa kupata ELIMU BORA.

Ally A. Muyango

ALLY A. MUYANGO
MKUU WA SHULE



6. FORM B (PART A)

PRESIDENTS' OFFICE
LOCAL GOVERNMENT AND REGIONAL ADMINISTRATION

TEL: +255 784 369 381 / +255 712 665 227

MIONO HIGH SCHOOL
P.O.BOX 26
CHALINZE
TAREHE

REF.NO:MSS/F.V.SEL/2024/24/002

TO: THE MEDICAL OFFICER,
.....

RE: REQUEST FOR MEDICAL EXAMINATION TO:
Mr. / MISS..... FORM 5 – 2024/25

Please examine the above named as to his/her physical and mental fitness for a full time Schooling course. The Examination should include the following categories [i-iii].

Each category or sub-category of which will render the applicant ineligible in case of a Defect. Pregnancy [category IV] will also render a girl candidate ineligible to the course.

- (i) (a) Eye
 - (b) Hearing
 - (c) Limbs
 - (d) Speech
 - (e) Venereal disease (s)
 - (f) Leprosy
 - (g) Epilepsy
- (ii) Neuroses
- (iii) Other serious diseases
- (iv) Pregnancy

.....
ALLY A. MUYANGO
HEADMASTER

.....
Name, signature & official stamp
MEDICAL OFFIER INCHARGE

